


«Երևանի Բերդ» հասարակական, գործարարական և մշակութային համալիրի կառուցման ծրագիր



Ծրագրի նկարագիրը

Ծրագրի նպատակն է բարեկարգել քաղաքի արևմտյան հատվածը՝ կառուցելով միջազգային հասարակական, գործարարական և մշակութային համալիր:

Հիմնականում հասարակական բնույթի կառուցապատմամբ նախատեսվում է տարածքը դարձնել մշակութային և գործարարական կենտրոն, դիվանագիտական ներկայացուցչությունների և միջազգային կազմակերպությունների գրասենյակների տեղակայման վայր: Տարածքում նախատեսվում է նաև բնակելի թաղամաս դիվանագետների համար, ինչպես նաև համաքաղաքային նշանակության հանգստի գոտու ստեղծում:

Տարածքը գտնվում է քաղաքի հարավ-արևմտյան հատվածում՝ Հրազդան գետի կիրճի գոտում և զբաղեցնում է 164.1 հա: Ներդրումային ծրագրի շրջանակում առաջարկվում է՝

1. Բնակելի կառուցապատում դիվանագիտական ներկայացուցչությունների համար

Նախատեսվում է կառուցել բնակելի թաղամասեր՝ նույն տարածքում գործունեություն ծավալող միջազգային կազմակերպությունների և դիվանագիտական ներկայացուցչությունների աշխատակիցների համար:

2. Բնակելի կառուցապատման գոտի

Նոր թաղամասում նախատեսվում է կառուցել բնակելի շենքերի 5 բակային խումբ:

3. Զբոսաշրջային կենտրոն

«Երևանի Բերդ» ծրագրի իրականացմամբ նախատեսվում է տարածքը վերակառուցել որպես հասարակակազործարարական և մշակութային միջազգային համալիր, որտեղ կգործեն բազմաթիվ թանգարաններ, ցուցասրահներ, դահլիճներ, դիվանագիտական ներկայացուցչությունների գրասենյակներ, գործարարական կենտրոններ և այլն:



Տեխնիկական ցուցանիշներ

Բնակելի կառուցապատում դիվանագիտական ներկայացուցչությունների համար նախատեսված տարածքը կազմում է 4.3 հա: Տարածքում կկառուցվեն սակավահարկ անհատական բնակելի տների և դարավանդային տիպի առանձնատների թաղամասեր, որից 3 թաղամաս՝ 3-4 հարկանի 16 շենքերի կառուցմամբ՝ միջինում 11000 քմ ընդհանուր մակերեսով, և 5 թաղամաս՝ 1-2 հարկ

ունեցող 115 շենքի կառուցմամբ՝ միջինում 11000քմ ընդհանուր մակերեսով:
 Բնակելի շենքերի 5 բակային խումբը կներառի 3-4 հարկանի մոտ 29 բազմաբնակարան շենք՝ միջինում 16400 քմ ընդհանուր մակերեսով:
 Նախատեսվում է 2 հյուրանոցային համալիրի կառուցում, որոնց համար հատկացված տարածքը կկազմի 3 հա:



Ծրագրի ժամկետներ

Ծրագրի իրականացման ժամկետը 3 տարի է: Հնարավոր է ծրագիրն իրականացնել նաև փուլային տարբերակով:

Ծրագրի արժեքը

Շինարարական աշխատանքների արժեքը կախված է նախագծային լուծումներից:

Ներդրումների ձևը և հիմնական պայմանները

Ծրագիրը նախատեսվում է իրականացնել մասնավոր ներդրումների ներգրավմամբ: Երևանի քաղաքապետարանը ներդրողին կաջակցի հողատարածքների իրավական կարգավիճակի մասին տեղեկատվության տրամադրման, ծրագրի իրականացման համար անհրաժեշտ փաստաթղթերի ձեռքբերման գործում: Երևանի քաղաքապետարանը կաջակցի նաև իրացման ծրագրի կազմման և գործընթացի կազմակերպման գործում:

Ներկա իրավիճակ

Առկա է «Երևան նախագիծ» ՓԲԸ կողմից մշակված կառուցապատման էսքիզային նախագիծ:

